

1274

Հարբուջակ սրբ-

1911

Ծ. Կուզենցովա

891-71-93
4 - 73

二〇〇九
九五五九

7/11. 1922
ИМЕНА, МЯСНИКИ НА
II. УЗУНЯН-ЭЗҮНЬ 13-УЛ
/ 8ФНРВ

Տպարան «ՀԵՐՄԵՍ» Մուխտանեան փող. № 13
Տի. „ГЕРМЕСЪ“ Мухр. ул. № 13.

Тиц. „ГЕРМЕСЪ“ Муҳр. ул. № 13

1911

2004

5959

891. A-93

4-7350

us

ԶԱՐՄԱՆԱԿԻ ՈՐԳ

737
— 0

530
60-40




Փոքրիկ նւարդն ու իր
մայրը ապրումէին քաղաքում։
Սրանց տան առաջ մի գեղեցիկ
պարտէզ կար։ Բացի շատ տե-
սակ ծաղիկներից պարտիզում
կային մի բանի պտղատու ծառեր է՝ տաճճի,
կեռասի, ծիրանի և այլ սպիտակ մատաղ
թթենիներ։ Նւարդը շատ էր սիրում
թթենիները, որովհետեւ նրանց վրայի
քաղցր թութը շուտ էր համում, թթենի-

ները ցածրիկ էին և փուած՝ այդ պատճառով էլ նա շատ հեշտ էր համուռմ պառուղներին։ Տան մէջ ոչ ոք չէր սիրում թութը, զրա համար էլ միայն նւարդն էր օգտուռմ նրանցից և քաղցրացնում իր բերանը։ Բայց ցաւն այն էր, որ թթան հիւթը կեղտուռմ էր փոքրիկ աղջկայ թէ ձեռքերը, թէ սպիտակ գոզնոցները և թէ բաց գոյն շորերը, որի պատճառով էլ մայրը միշտ բարկանում էր նրա վրայ։

Եւ ի՞նչու անուշ չանէր, քանի որ այդ համեղ պտուղները այնքան մօտիկ էին կախւած, որ քիչ էր մնում իրանք ընկնէին նրա պստիկ բերանը։ Ուստի նա մեծ ախորժակով բաց էր անում իր բերանը և կուլ տալիս թթան հատիկները մէկը միւսի յետեկից մոռանալով որ պէտք է մաքուր պահէ իր հագուստը։ Նւարդը շատ էր սիրում զուգւել և շատ էր հաւանում իր նոր զիմարկը, նամանաւանդ վրայի վարդագոյն ժապաւէնը։ Երբ նա առաջին անգամ տեսաւ այն ժապաւէնը, միանգա-

մայն հիացաւ և միշտ հարց ու փորձ էր անում մօրը, թէ որտեղից են ստանում և ինչից են պատրաստում ժապաւէնները։ Մայրն ասաց աղջկան, որ ժապաւէնը պատրաստում են մետաքսից, իսկ մետաքսը տալիս է մեզ շերամի որդը։ Պէտք էր տես-



նել նւարդի ծիծաղը։ Նա կարծեց, թէ մայրը կատակ է անում՝ ուզենալով զիմից հեռացնել իրան։ Այդ պատճառով էլ ոչինչ

չհարցը եց, վազեց իր տիկնիկների մօտ:
Մայրը նկատեց, որ աղջիկը չհաւաստաց իր
ասածին, բայց ոչինչ չասաց, այլ մտքով
մի բան անցկացրեց:

* *

Գարնանային տաք օրերից մէկն էր.
Նւարդը հէնց նոր ուզում էր դնալ պարտէղ
վազգելու, երբ տեսաւ մօրը սենեակ
մտնելիս. նա ձեռքին մի կտոր թուղթ
ունէր: Նւարդը հետաքրքրւող աղջիկ էր:
Մի րոպէ չանցած՝ նա արդէն մօր կտղին
կանգնած ուշադրութեամբ դննում էր այն
թուղթը, որի վրայ խաշխաշի նման մի բան
էր փոած:

—Ի՞նչ ես անելու այդ խաշխաշը, մայ-
րիկ, հարցը եց նա:

—Ապա լաւ նայիր, պատասխանեց
մայրը, գուցէ խաշխաշ չէ:

Իրաւ որ, Նւարդը լաւ նայելուց յետոյ՝
նկատեց, որ սերմերը բոլորովին կլոր չէին,
մէջ տեղն ունէին մի փոքր փոս ընկած
տեղ, որ խաշխաշի վրայ չկայ:

—Ապա սա ի՞նչ բան է, հարցը եց նա:
—Նրանք ձւիկներ են:



—Ո՞հ մայրիկ, դու ինձ հետ շարունակ
կատակ ես անում: Ես տեսել եմ շատ տե-
սակ ձւիկներ՝ հաւերի, բագերի և ուրիշ շատ
թռչունների, բայց նրանք իսկի նման չեն
սրանց:

—Նրա համար է քեզ այդպէս թռում,
որդիս, որովհետեւ դու տեսել ես թռչունների
ձւեր, իսկ թիթեռի ձու չես տեսել:

—Ի՞նչ ես ասում: Միթէ թիթեռնիկ-
ներն էլ են ձու ածում. Նրանց ձւիկներից
ի՞նչեր են դուրս գալիս:

—Համբերութիւն ունեցիր և ինքով կը
տեսնես: Իսկ այժմ տանենք այս ձւիկները
ապակեայ վերնասրահը և փոենք պատու-
հանի տոաջ, որ արել լաւ տաքացնէ:

Նւարդը հետևեց մօքը, մի անգամ էլ
աչքի անցկացրեց ձւիկները և ապա վա-
ղեց պարակէզ, որտեղ ծառերն արդէն սկսել
էին ծաղկել:

Արեն այնքան պայծառ էր լուսաւորում
և թոշուններն այնպէս սիրուն էին ծլւում,
որ փոքրիկ աղջիկը չկիտէր թէ ուրախու-
թիւնից ինչ անի: Երկար ժամանակ վազ-
վկեց նա պարտէզում, գնաց սրահը, ուր
թուխոն իր գեղին ճուտերի հետ զբօնում
էր և տուն դարձաւ միայն այն ժամանակ,
երբ չափից դուրս յոցնել ու քաղցել էր:



Դեռ չնախաձաշած, նա յիշեց փոքրիկ
ձւիկները և գնաց տեսնելու: Նրանք զեռ
անշարժ թափւած էին թղթի վրայ մինոյն
դրութեան մէջ: Նւարդը շատ էր հետա-

բրբրւում, թէ ինչ պէտք է դուրս գայ այն
փոքրիկ սերմերից: Միւս առաւօտը հազիւ
կիսով չափ հագնւած՝ վազեց, որ տեղեկա-
նայ, թէ ինչպէս են նրանք: Հէնց որ մօտե-
ցաւ պատուհանին՝ իսկոյն նկատեց խիտ
մազերով ծածկւած փոքրիկ սև որդերը:
Նրանց մօտ թափւած էին ձւիկների սպի-
տակ ու բարակ կճեպները, որոնցից դուրս
էին եկել որդերը: Բայց դրանք բոլորը
չէին:

Ձւիկների մի մասը թափւած էր ան-
շարժ, իսկ միւսներից որդերը, կողքից
ծակեր բանալով, սկսել էին դուրս գալ:

Նւարդը դեռ լաւ չկիտած՝ վազեց մօր
մօտ:

— Մայրիկ, մայրիկ, կանչեց նա ներս
վազելով սենեակը, արի վերև. տես թէ
ինչեր են դուրս եկել ձւիկներից: Նա մօր
ձեռքը բռնից ու տարաւ վերնասրահը:

— Գիտես, մայրիկ, ես կարծում էի,
թէ այս ձւիկներից փոքրիկ թիթեռնիկներ
պիտի դուրս գան, իսկ այստեղ որդեր են
երեսում:

— Համբերիր, զստրիկն, ճերթը թիթեռնիներին էլ կը հասնի: Այժմ վաղիր պարտէզ և պոկիր թթենու կանաչ, թարմ տերեներ:

— Ի՞նչ պիտի անես տերեները:

— Իսկոյն կը տեսնես. դէ, շուտ վաղիր. չէ որ թէյը մեզ է սպասում:

Փոքրիկ աղջիկը գնաց ու շտապով յետ դարձաւ՝ ձեռքերը լի կանաչ, թարմ տերեներով: Մայրը նըանցից մի քանի հատ վերցրեց և գարսեց որդերի կողքին: Նըանք շատ շուտ իմացան տերեների հոտը, մօտ սողացին և սկսեցին եռանդով ուտել: Նւարդին այս բանը շատ դուր եկաւ:

Նա մի զլուխ նըանց տակը թարմ տերեներ էր գարսում, այնպէս որ մայրը չէր կարողանում նըան տուն տանել թէյ խօնեցնելու: Երբ նըանք արդէն գնում էին, մայրն ասաց աղջկանը. «այժմ օրական մի քանի անգամ պէտք է որդերի համար թարմ տերեներ բերես, նւարդ, հօ մտահան չ՞ս անիլ»:



— Ո՞չ մայրիկ, չեմ մոռանալ, միամիտ կաց, ես այնպէս սրտով կպած եմ որդերիս, որ երբէք սոված չեն մնալ նըանք:

Նա ճշտութեամբ կատարեց իր խոստումը, և առաջին օրերը գեռ հարկաւոր եղածիցն էլ աւելի էր բերում և ուրախանում, որ գոնէ որդերը հաւանում են իր սիրած թթենու տերեր: Նա մեծ սիրով էր բաժանում որդերին թթենու տերեները. բաժանում որդերին թթենու տերեները. բայց հազիւ թէ նոյնազիսի սիրով բաժանէր

նրանց պտուղները, որոնք քիչ էր մնացել, որ հասնէին: Նւարդը փորձեց ուրիշ ծառերի տերևներից էլ բերել, բայց տեսաւ, որ թթենու տերևներից զատ ուրիշ բան չեն ուտում իր որդերը: Թարմ տերևները մի քիչ հեռու էր դնում հին տերևներից, բոլոր որդերը սողալով անցնում էին թարմ տերևների վրայ. իսկ հների մնացորդները նա հաւաքում էր առանց անհանգիստ անելու իր փոքրիկներին—այսպէս էր կոչում նա որդերին, բայց մայրն ասաց, որ նրանք թրթուրներ են կոչւում:

Նւարդն այսպէս կերակրեց թրթուրներին հինգ օր: Նա ուրիշ գործեր էլ ունէր անելու. պարտէզում մարգերի ծաղիկներին պէտք է նայէր, տիկնիկներին դուրս տանէր զբօսնելու, չէ՞ որ խեղճերն ամբողջ ձմեռը փակւած էին ներսը: Բայց նա այդ բոլորը մի կողմն էր ձգում, հոգ տանելով մանր որդերի մասին, որոնք յանձնւած էին իրան: Նւարդը լաւ էր իմանում, որ եթէ նրանց չկերակրի, խեղճերը սոված կըմնան, ուստի

կանաչ տերևներով լի գամբիւղը ձեռքին վազում էր նրանց մօտ:

**

Որդերն այդ միջոցում շատակեր դարձան ու շատ էլ մեծացան, նրանց մաշկը սկից շագանակագոյնի փոխւեց, իսկ վեցերորդ օրւայ դէմ նրանք ընկոյզի գոյն ստացան: Այդ օրն առաւօտը Նւարդը եկաւ նրանց մօտ և սաստիկ վախեցաւ, երբ տերևները մասը որդերի մեծ մասը գլխները ցցած՝ անշարժ ընկած, ոչինչ չեն ուտում: Նա գնաց մօր մօտ ու արտասուքն աչքերին ասաց:

—Ո՞հ, մայրիկ, բոլոր որդերս սատկել են, ափսոս, ինչպէս էի նրանց խնամում, հաւատա, մայրիկ, որ ոչ մի անգամ առանց թարմ տերևների չեմ թողել:

Բայց մայրը որդերին նայելով՝ ասաց.

—Հանգստացիր, նրանք ամենն էլ ողջ են և առողջ, միայն կամեցել են քնել և ահա քնել են:

—Այդ ինչու որանք առաջ այդ ձեռով չէին քնում:

—Յիշմում ես, որքան սրանքը մանր էին
և այս կարճ միջոցում որչափ մեծացան:
Քանի նրանք մեծացան, այնքան նեղացաւ
նրանց վրայի չորս—մաշկը. այժմ այնքան
քնած կը մնան որդեքն այս մաշկի տակ, մին-
չև դուքս կը գայ մի նորը, եղած մաշկը
կը տրաքւի և նրանք դուքս կը պրձնեն նրա
միջից:

Ուղիղ որ այդպէս էլ եղաւ. Նւարդը
նոյն օրը տեսաւ, որ որդեքն սկսեցին
պտտել զիսիկները. Այդ միջոցին նրանց
վրայի մաշկը տրաքտրաքւեց և նրանք իրան-
ցից դէն ձգեցին այդ: Այսպէս նրանք
գունտփոխւեցին: Մի ժամից յետոյ որդեքն
սկսեցին ուտել. բայց սկզբում քիչ էին
ուտում: Օրէցօք նրանք շատակեր էին դառ-
նում: Նրանց մաշկի գոյնը մոխրագոյն
դարձաւ, իսկ վրայի մազերը համարեա թէ
անյայտացել էին: Նրանք այնքան արագ
էին մեծանում և այնչափ ուտում, որ
Նւարդը զարմանքից մնացել էր ապշած,
Տարաբախտաբար նրա զամբիւղը մեծ չէր,

7/11. 1922

ՊՈՍՏԱՐԱԿԱՆ ՀԱՆՐԱՊԵՏՈՒԹՅԱՆ
ԱԽՎԱ, ԽԱՆԿԱՆԱ
Հ. ԱՇԱԽԱՎԱՆԻ ԱՆՎԱՐ

այդ պատճառով ատիպւած էր շուտ շուտ
տերեկի համար պարտէզ վագելու: Երբեմն
շատ էլ յոգնում էր, բայց այնքան էր փա-
փագում իմանալ թէ վերջն ի՞նչ է դինելու,
որ առանց արաւունջի առաջ էր առանում իր
գործը:

* *

Հինգ օրից յետոյ որդերը դարձեալ
քնեցին, բայց այս անգամ արդէն Նւարդը
չվախեցաւ, այլ հասկացաւ, որ նրանք նորից
փոխելու են իրանց զեխսոր: Ճիշտ որ սրանից
յետոյ որդերը բաց մոխրագոյն դարձան, իսկ
նրանց վրայի մազերը բոլորավին անյայտացան:
Նրանք մի զլուխ մեծանում էին, աւելի ձերմա-
կում և շատակեր դառնում: Նւարդը

այլևս «մանրիկներ» չեր անւանում նրանց,
այլ շատ ուտելու պատճառով կոչում էր
«շատակերներ»։ Պէտք է այս էլ ասած՝ որ
նրանք արդէն սկսել էին փոքրիկ աղջկան
ձանձրացնել։ Նա յաճախ ասում էր մօրը.

—Այսչափ տերև եմ բերում հա բե-
րում, բայց սրանք ուտելուց չեն կշտանում։

—Սպասիր, հոգեակս, շուտով գրանք ու-
տելուց կըդադարեն, այն ժամանակ դու մի
նոր հետաքրքիր բան կըտեսնես։

Այժմ որդերն այնպէս էին խոշորա-
ցել, որ կարելի էր նրանց լաւ դիտել։
Նւարդը նկատեց, որ նրանց ամբողջ



մարմինը բաղկացած է տասը հատ օղակնե-
րից։ Նրանք առջերից ունէին երեք զոյգ ոտ-
ներ, իսկ մէջտեղն ու յետել հինգ զոյգ,
որոնք աւելի հաստ էին և ծայրին աւլածե-

մազեր ունէին, որոնցով կպչում էին աերև-
ներին։ Ինսերորդ օղակի վերևից ցցւած էր
մի փոքրիկ եղջեւը։

* * *

Վերջապէս թրթուրները մոմի պէս թա-
փանցիկ դարձան։ Նրանք անհանգիստ էին
երեւում, բոլորն էլ զինսերը պտառում էին
և աշխատում աւելի բարձր տեղ թառ լինել։
Մայրն ասաց նւարդին, որ գնայ թթենու
մի քանի ճիւղեր բերի ու ցցի որդերի ա-
ռաջը։ Որդերը, որոնք մինչև այժմ միմիայն
շարժւում էին անցնելով կրծած տերեկից գէ-
պի նորը՝ կարծես թէ զբօննել ուզեցին։
Ահա ոստի վրայով բարձրացաւ մի որդ,
նրան հետևեց երկրորդը, բարձրացան և ու-
րիշները։ Բոլորն էլ կարծես դիտում էին
ամեն մի ոստ՝ կանգ առնելով և ընտրելով
աւելի յարմար տեղ։ Ահա արդէն վերևն կանգ
առան և ուզում են ինչ որ գործ սկսել։ Նրանք
ոլորում են գիւներն ամեն կողմ և մի քանի
տեղ էլ դիպչում են ոստերին։ Աւելի
մօտիկից նայելով նւարդը նկատեց, որ



Նրանք կպել են ոստերին մի քանի բարակ
ոստայնանման թելերով։ Թելերու աւելի ու
աւելի շատանում էին և թրթռները կար-
ծես թէ փաթաթւում էին նրանցով։ Բայց
նրանք էին վերցնում թելերը։ Մայրը
պատմեց նւարդին, որ այն թելերը գոյա-
նում են նրանց մարմի մէջ և գուրս են
դալիս բերանից։

Նւարդը երկար ժամանակ զարմացած
նայում էր թէ ինչպէս են թրթռները գա-
լարւում, գլխները շարժում ու թելով փա-

թաթւում, և չէր հասկանում թէ ինչու հա-
մար են այդպէս անում։

* * *

Հետևեալ օրը նա այլ ևս թրթռներ
չափաւաւ։ Նրանց տեղը դեղին ձւածե կծիկ-
ներ էին աղանու ձւից մի քիչ մանր։

Այդ միջոցին վերնատուն մտաւ մայրը։
—Տես, մայրիկ, գոչեց աղջիկը, թրթռ-
ներն այլ ևս չկան։

—Այս, գսարիկս, թրթռները մնացել
են իրանց հիւսած կծիկների մէջ։ ահա այդ
կծիկները կոչւում են բոժոժներ։

—Ինչու են նրանք այնտեղ մտել և
ինչպէս պէտք է գուրս գան։

—Նրանք բոժոժների մէջ վերջին ան-
գամ կըքնեն և ապա նրանց մաշկից գուրս
կըզայ ոչ թէ թրթռը, այլ հարանեակ։

—Հարսնեակ։

—Այս, ժպտալով ասաց մայրը։

—Ե՞րբ կըտեսնեմ նրան։

—Նա կոկնից երբէք չի գուրս գայ,
բայց եթէ գու սրտով ուզում ես նրան տես-
նել, մէնք մի հատը կըկտրենք, բայց հիմա
չէ, որովհետեւ թրթռը գետ ևս իր գործը
չի վերջացըել։

Իռել նւարդի գործը վերջացել էր ար-

գէն՝ այլ ևս ոչ ոքի չէր կերակրելու։ Սկզբ-
ըում թէկ նա ձանձրանում էր շուտ շուտ
տերեներ բերելուց և նրանց մնացորդները
հաւաքելուց, բայց այդ միջոցին այնչափ
սիրել էր իր սանիկներին, որ հիմա տիրում
էր առանց նրանց։ Նւարդը գնում էր
նայելու բոժոժներին և տեսնելով, որ
նրանք անշարժ են, սարսափում էր, կար-
ծելով թէ կոկոնների միջի թրթուրները
սատկել ու փչացել են։ Այժմ նրան միխթա-
րում էին թթենու պտուղները, որ արդէն
հասել էին։ Նւարդն ինչպէս առաջ, այժմ էլ
առանց նազ անելու բաղցրացնում էր իր
բերանը համեղ պտուղներով։

Մի բանի օրից յետոյ մայրը վեր առաւ
մի հատ կոկոն, կտրեց ու ցոյց տւեց Նը-
ւարդին։

Փոքրիկ աղջիկը տեսաւ նրա մէջ մի
բան, որ բոլորովին նման չէր թրթուրի։ Սա
մի փոքրիկ կինամոնագոյն բան էր՝ կազ-
մած մի բանի օգակներից ու գլխի նման
բանից, բայց ոչ աչքեր ունէր և ոչ ստներ։
Նւարդը կարծում էր, թէ մի գեղեցիկ բան

կտեսնի. հարսնեակը բոլորովին դուր չեկաւ
նրան։ Մինչև անգամ նրան թւաց, թէ հարս-
նեակը շունչ չունի։ Մի փոքր լուսթիւ-
նից յետոյ նա հարցրեց մօրը։



— Նրանք ի՞նչ են անում կոկոնի մէջ։

— Քնած են և ընած կը մնան կոկոնի մէջ,
մինչև որ նրանց հետ մի արտասովոր բան
կը պատահի։ Բայց այդ բանի համար պէտք է
դու մի առ ժամանակ սպասես։

* * =

Նւարդն արդէն սղասելուց ձանձրացել
էր։ Այս գէպքից յետոյ նա մի երկու անգամ
մտել էր վերնասրահը։ Մի անգամ էլ հէնց
որ դուռը բացեց, Նւարդի աչքով ընկան
մի քանի սպիտակ թիթեռներ, որոնք պը-
տուում էին պատուհանի գլխին։

— Որանք ո՞րտեղից բուսան, զարմանալով
հարցրեց Նւարդը։

— Լաւ նայիր, պատասխանեց մայրը,

աղջկան ասնելով գէպի կոկոնները, — շտա
կարելի է ինքդ էլ հասկամատ:



Նւարդը նկա-
տեց, որ մի բանի
կոկոնների վրայ
ծակեր կան, իսկ
մէջները դատարկ է:
—Միթէ այս տղեղ հարս-
նեակներիցն են դուքս եկել
այդ գեղեցիկ թիթեռները,
—բացականչեց նա: —Բայց ի՞նչպէս են դուքս
եկել այնտեղից:

—Նրանք իրանցից արձակել են այն-
պիսի մի կծու հիւթ, որից կոկոնի այն
տեղն այբւել է, և ծակ է գոյացել: ահա այն
ծակից են դուքս եկել թիթեռները:



Նւարդը մի բանի ժամանակ ուրա-
խանում էր նրանցով, յետոյ առանց մի բառ
արտասանելու վազեց պարտէզ: Մի բոլորից
յետոյ նա դարձաւ պարափղից թիթեռու տե-
րեներով ու դարսեց թիթեռների առաջը:
Այս բանը տեսնելով մայրը ծիծաղեց և
ասաց:

— Զուր ես աշխատել, հոգեակս, սրանք
բո բերած տերները չեն ուտիլ:

— Ապա ի՞նչ տամ սրանց, մայրիկ:

— Ոչինչ:

— Ի՞նչպէս թէ ոչինչ: Միթէ սրանք
կարող են առանց կերպիրի ապրել:

— Այս, սրանք ոչինչ չեն ուտում և գեռ
երկար ժամանակ չեն ուտիլ:

*
**

Հետևեալ օրը Նւարդը տեսաւ պատու-
հանի առաջ զրած թղթի վրայ շատ փոքրիկ
մոլիրագոյն ձւիկներ, հէնց այն տեսակ, որ-
պիսիներից զուրս էին եկել որդերը: Թի-
թեռները երեք օր ձու ածելուց յետոյ՝ սատ-
կեցին: Նւարդը շատ էր ցաւում նրանց
համար, բայց ի՞նչ կարող էր անել: Նա
հաւաքեց բոլոր ձւիկներն ու կոկոնները,
տարաւ մօր մօտ ու հարցրեց.

— Այս ձւիկներից էլ նոյնպիսի որդեր
դուրս կրգան:

— Այս, բայց ոչ հիմա, այլ առաջիկայ
տարւայ գարնանը: Եթէ զրանց չոր ու

սառը տեղ պահես, դու կունենաս թէ
թրթուրներ և թէ թիթեռներ:

— Իսկ կոկոններն ի՞նչ պէտք է անենք:

— Դու կարող ես այդ կոկոններն ընծա-
յել բո բոլոր ծանօթներին և պատմել, թէ
որտեղից են զրանք ստացւել: Իսկ եթէ
մենք այդ տեսակներից շատ ունենայինք,
այն ժամանակ գործարան կը հիմնէինք ու
ժապաւէններ, թափիշ և ուրիշ շատ տեսակ
մետաքսեայ կտորներ կը պատրաստէինք:

— Ի՞նչ ես ասում, մայրիկ, այդ ամենն
ի՞նչպէս կանէինք:

— Այ, լսիր թէ ինչպէս են անում այդ
գործարաններում. երբ թրթուրները կոկոններ
են հիւսում և կոկոնների մէջ գոյանում են
հարսնեակներ, այն ժամանակ կոկոնները հա-
ւաքում, դարսում են տաք վառարանի մէջ:


— Ոհ, մայրիկ, չէ որ հարսնեակները
նրա մէջ կը սատկուեն:

— Իհարկէ, հէնց զրա համար էլ գնում
են վառարանը:

— Այն ժամանակ այլ ևս թիթեռներ

ՀԵՆ լինիլ, ախուր դէմքով ասաց նւարզը:

— Թիթեռները կոկոններից դուրս գալիս փշացնում են կոկոնները, որովհետև այն ծակը, որ շինում է նրանք դուրս գալու համար՝ կարատում է թելերը. Մակայն կոկոնների մի մասը թողնում են, որ նրանցից թիթեռներ դուրս գան և ձու ածեն յաջորդ ատարայ որդերի համար: Բոժոժները



վառարանից հանելուց յետոյ ձգում են կէծ ջրի մէջ:

— Իսկ այդ լինչն համար են անում:

— Զէ որ ամեն մի կակն հիւսւած է կէս, իսկ երբեմն էլ մի վերստ երկար մեռ տարսեայ թելից: Այդ թելի շարքերն իրար կուտած են սոսինձով: Կէծ ջրի մէջ սոսինձը բացւում է և այն ժամանակ կարելի է լինում թելը յետ տալ: Դրա համար աւելով խփում են կոկոններին, վերևի թելերը կպչում են աւլին. այդպիսով գտնում են երկու կամ մի քանի կոկոնների ծայրերը և հաւաքելով փաթաթում են ձախարակի վրայ: Իսկ որովհետև թելերը շատ բարակ են լինում, մի քանիոր միասին



են ոլորում կամ մանում: Հէնց այս թելերիցն է, որ ոստայնի վրայ զանազան կտորներ են գործում:

—Ա՛խ, մայրեկ, որչափ գարմանալի
ին իմ որդերը: Ուրեմն դու հանաք չէիր
անում, երբ ասում էիր թէ ժապաւէնը
պատրաստած է շերամի թելից: Հապա իմ
մետաքսեայ թաշկինակը, բո մետաքսեայ ձեռ-
նոցները. նրանք էլ են դրանից պատրաստած:

—Այս, սիրելիս, նրանք էլ, և ուրիշ
շատ պէսպէս ու օգտաւէտ առարկաներ էլ:
Այժմ կարող ես պատմել ընկերուհիներիդ,
թէ Բնչպէս բո գործարանում մետաքս
պատրաստեցին քեզ համար քո փոքրիկ
բանւորները—շերամի որդերը:



1274

530
60-40

0005363

2013

ՀՀ Ազգային գրադարան



NL0005363

